

აბრების და მანიშნებლების ტექნიკური მახასიათებლები

1. გარე ფასადის მანათობელი წარწერა და ლოგო

- შესყიდვის ობიექტი – შენობის გარე ფასადზე დასამონტაჟებელი მანათობელი მოცულობითი ასოები უნდა წარმოადგენდეს საზოგადოებრივი ცენტრის ლოგოსა და ქართულ და ინგლისურ ენოვან წარწერას ესკიზი #1-ის შესაბამისი დიზაინის გათვალისწინებით;
- მანათობელი მოცულობითი ასოების სავარაუდო პარამეტრებია: სიმაღლე - 32სმ (± 3 სმ), სისქე - 7სმ. მასალა: ორგმინა, პვხ, არაკალი, დიოდის განათებით, მთლიანი წარწერა და ლოგო განაწილებულია დაახლოებით 8 მეტრზე. ასოების კონკრეტული ზომები უნდა შეთანხმდეს შემსყიდველთან.
- მანათობელი საზოგადოებრივი ცენტრის ლოგოს პარამეტრებია: სიმაღლე - 100 სმ, სიგანე - 95 სმ, სისქე - 7 სმ. მასალა: ორგმინა, პვხ, არაკალი, დიოდის განათებით.

მონტაჟი უნდა განხორციელდეს შემსყიდველის წარმომადგენლის მიერ მითითებულ კონკრეტულ ადგილზე. კლიმატური პირობებისადმი მედეგი კონსტრუქციის, შენობის ფასადზე დამაგრება უნდა განხორციელდეს საიმედოდ, არ უნდა წარმოადგენდეს საფრთხეს მოქალაქეთათვის. ასოების და ლოგოს დამაგრება მიმწოდებელმა უნდა განხორციელოს თავისი შეხედულებისამებრ დამზადებული კონსტრუქციით, რომელიც არ დაარღვევს შენობის დიზაინს და მაქსიმალურად იქნება ასოების ფონთან შეხამებული. მონტაჟისას შესაძლებელია კონკრეტულმა ადგილმა ან შენობის ნაწილმა მოითხოვოს მცირე სარემონტო სამუშაოები, შენობის პირვანდელ მდგომარეობაში მოყვანის ჩათვლით, რომლის ღირებულებაც მიმწოდებელმა უნდა გაითვალისწინოს შემოთავაზებული წინადადების ღირებულებაში. ელექტროგაყვანილობის მარშრუტი მიმწოდებელმა უნდა შეათანხმოს შემსყიდველის წარმომადგენელთან მონტაჟის განხორციელებამდე.

2. ოთახის მანიშნებელი აბრები

- ოთახის მანიშნებელი აბრები უნდა წარმოადგენდეს საზოგადოებრივი ცენტრის ლოგოს ბრენდირების ფერის ორგმინას, თანდართული ესკიზი #2-ის შესაბამისი დიზაინის მიხედვით;
- ზომა: სიმაღლე - 16სმ, სიგანე - 26სმ
- მასალა: ორგმინაზე არაკალის (წებოვანი ფირი) წარწერით
- მანიშნებლები საჭიროა დამზადდეს შემდეგი წარწერების მიხედვით:
 1. საკონფერენციო დარბაზი
 2. არქივი
 3. ბიბლიოთეკა
 4. სამზარეულო
 5. „WC“
 6. გამგებლის წარმომადგენელი

7. გამგებლის წარმომადგენლის აპარატი

8. საკონსულტაციო

მონტაჟი უნდა განხორციელდეს შემსყიდველის წარმომადგენლის მიერ მითითებულ კონკრეტულ ადგილზე, სამონტაჟო სამუშაოების განხორციელება შესაძლებელია მიმწოდებლის შეხედულებისამებრ ისე, რომ იყოს მყარი და არ ჩანდეს სამაგარები.

3. შენობის შიგნით კედელზე დასაკიდებელი აბრა

მასალა: ორგმინა, სისქე მინიმუმ 4მმ, საზოგადოებრივი ცენტრის ლოგოს გამოსახულებით, რომელიც უნდა დამონტაჟდეს კედელზე (ზომა: სიმაღლე - 385 სმ, სიგანე - 330 სმ), შესაბამისი პროპორციების გათვალისწინებით. ესკიზი #3

მონტაჟი უნდა განხორციელდეს შემსყიდველის წარმომადგენლის მიერ მითითებულ კონკრეტულ ადგილზე, სამონტაჟო სამუშაოების განხორციელება შესაძლებელია მიმწოდებლის შეხედულებისამებრ ისე, რომ იყოს მყარი და არ ჩანდეს სამაგარები.

4. საინფორმაციო დაფა

საინფორმაციო დაფის გვერდზე საინფორმაციო ბროშურების ჩასადებით.

მასალა: მასალა მდფ თხელი, ხის ფაქტურით. წარწერა და ლოგო თეთრი ორგმინა. ჯიბეები გამჭირვალე ორგმინა. მეტალის ფეხები (უქანგავი). ზომა:(200მმX58მმ). დაფის დიზაინი და კონკრეტული ზომები მითითებულია ესკიზი #4-ზე.

5. შესყიდვის ობიექტზე გარანტია (არ იგულისხმება მექანიკური დაზიანება) უნდა ვრცელდებოდეს მინიმუმ ორი წელი (გარდა შტენდერისა).

„მიმწოდებელი“ ვალდებულია შემსყიდველის მიერ განსაზღვრულ გონივრულ ვადაში (არაუგვიანეს ორი კვირა) გამოასწოროს ხარვეზი, უზრუნველყოს მისი შეკეთება ან ჩაანაცვლოს დაზიანებული საქონელი ახლით.

შენიშვნა:

1. საზოგადოებრივი ცენტრის ლოგოს ბრენდირებული ფერია: ყვითელი - (C:0% M:17% Y:98% K:0% (CMYK));
2. საზოგადოებრივი ცენტრის ლოგოს დიზაინი გამარჯვებულ პრეტენდენტისთვის მიწოდებული იქნება შემსყიდველის მიერ ხელშეკრულების გაფორმებისას;
3. შესყიდვის ობიექტის პოზიცია #1, რომელიც ითვალისწინებს განათებას, განათების დაზიანების შემთხვევაში კონსტრუქცია უნდა იძლეოდეს მისი მარტივად შეცვლის შესაძლებლობას.
4. მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) თანხმდება (ზუსტდება) შემსყიდველთან.
5. მიმწოდებელია ვალდებულია ადგილზე გაეცნოს შენობის არსებულ მდგომარეობას და შეუთანხმოს შემსყიდველს ობიექტის კონკრეტული ზომები.